

‘चंद्रपहचरियं’नी रूपकथा

रूपककथाना बीज प्राचीन भारतीय साहित्यमां उपनिषदो, बौद्ध साहित्य
अने जैन साहित्यमां उपलब्ध थाय छे. सिद्धर्षि कृत^१ उपमिति भव प्रपंचा (र. स.
१६२) अे जैन साहित्यनी रूपककथा परंपरामां प्राप्त थती प्रथम स्वतंत्र कृति हे
उत्तरवर्ती साहित्यमां आनु अनुसरण संस्कृत, प्राकृत अने अपभ्रंश भाषा
कथानाटक अने कव्यना स्वरूपे थतुं रह्युं छे.

प्राकृत साहित्यमां रूपककथा अवांतर कथा लेखे उपलब्ध थाय
वर्धमानसूरि कृत जुगाइ जिणिंद चरियं कषाय कुटुंबनी कथा^२ देवसूरि कृत
‘उपमपहसामि चरियं अंतरंग कथा (संस्कृत भाषामां) अने ‘कुमारपाळ प्रतिबोध
अपभ्रंश भाषामा मळे छे.

वडगच्छीय श्रीचन्द्रसूरिना शिष्य आचार्य हरिभद्रसूरिअे पृथ्वीपाल मंत्री
अनुरोधथी चोवीस तीर्थकरोना चरित्रनी रचना करी हती. तेमांथी अत्यारे मात्र च
चरित्र काव्यो उपलब्ध छे. ते पैकीमांना अेक चंद्रपहचरित्र^३(प्रा.)मां उपदेश स्वरूप
रूपककथा उपलब्ध थाय छे. जेनुं जे अहीं संपादित करी छे.

२५३ गाथामां रचायेल आ रूपककथामां जैनदर्शनना तत्त्वज्ञान
रूपकात्मक रीते रज्जू करवामां आव्युं छे. जीव केवी रीते शिवपुरीमां पहोंचीने मुनि
पामी शके तेनुं निरुपण करायुं छे. प्रस्तूत कथामां रूपको परंपरा अनुसार छे. प
धटनाबाहुल्य दृष्टिगोचर थतुं नथी. तेथी कथा रसप्रद बनती नथी. विगतोनुं प्रा
जोवा मळे छे.

आ लोकमां मध्यदेशमां भवचक्रवाल नामनुं नगर हतुं त्यां महाप्रतापी क
परिणाम नामनो राजा हतो. तेनी अनादिभवसंतति अने अकामनिर्जरा नामनी
राणीओ हती. अनादिभवसंततिने ज्ञानावरणीय आदि आठ पुत्रो हतां.

राजा प्रतिदिन पोताना आठ पुत्रोने सलाह आपता के हे पुत्रो तमे ब
सुसमर्थ छे तो कंइक अेवी प्रवृत्ति करो के हमेशा राज्यमां स्थिरता रहे. अने बी
राज्योने जीतीने तेनी सतत रक्षा करता रहो तमारा बधानो दळनायक महामोह
असंव्यवहार प्रमुख नगरीनो राजा बनशे. ज्ञानावरणी, दर्शनावरणी वगैरे अने ताबे ह
नरकगति प्रमुख नगरीनो स्वामी आयुष्य बनशे. वेदनीय, नाम अने गोत्र तेना सह
बनशे.

મોહ નરેન્દ્રની મૂઢતા નામની પ્રિયાને બે પુત્રો હતા એક દર્શનમોહ અને બીજો ચારિત્રમોહ. દર્શનમોહ દર્શન હની પ્રિયતમા મોહદષ્ટિને ત્રણ પુત્રો હતા. સમ્યક્દર્શન, મિશ્ર અને મિથ્યાદર્શન ચારિત્રમોહની અવિરતિ નામની પત્નીને ચતુર્મુખવાળા ત્રણ પુત્રો વૈશ્વાનર (અર્થ) શૈલસ્થંભ (દર્પ, માન) અને સાગર (લોભ) તેમજ બહુલિકા (માયા) નામની પત્નીને પાંચ પુત્રો હતા.

એક વાર મોહરાજાએ પોતાના પુત્ર દર્શન મોહને કહ્યું કે તારી પાસે મોહની મોટી શક્તિ છે. તેથી અસંવ્યવહાર નગરમાંથી હું જે લોકોને મોકલું તેને મોહદષ્ટિ મોહથી મોહિત કરી વશ કરવા તારો પુત્ર મિથ્યાદર્શન મારો સચિવ છે. તારે મિથ્યાદર્શન માર્ગદર્શન લેવું પરંતુ તારો સમ્યક્ દર્શન નામનો પુત્ર મને યોગ્ય લાગતો નથી. આપણાં બંધાં નગરોને ડગલ કરવા ઇચ્છે છે. યતિપુરીમાં આવેલા વિવેકગિરિ નગર પર સુબોધરાજા અને તેની પત્ની સત્યદષ્ટિ રહે છે. એની સાથે તારા પુત્રની મૈત્રી થાય તે માટે આ કુપુત્રનો ક્યારેય વિશ્વાસ કરીશ નહીં. ચારિત્રમોહ નામનો તારો ભાઈ સમર્થ છે અને તેનો પરિવાર તારા કાર્યમાં સહાયભૂત બનશે.

વઢી આયુ રાજાની ચાર પ્રિયાઓ છે. પાપમતિ, મહામાયા, મધ્યમ ગુણ વ્રતમતા અને શુભ પ્રવૃત્તિ. તેમના ચાર પુત્રો અનુક્રમે નરકાયુ, રિંગાયુ, મજુજાયુ અને આયુ નામના છે. આમાંથી નરકાયુ મિથ્યાદર્શન અમાત્યને વશવર્તી છે. ચારિત્રમોહના મિથ્યાદર્શન જલનાદિ મહાસુખોની સાથે આનો સ્નેહ સંબંધ બનશે. આમ શિશ્વામણ આપીને દર્શનમોહને યુવરાજ પદે સ્થાપ્યો આમ તેઓનું કાર્ય સુપેરે ચાલતું હતું.

એક વાર પર્યાંત સન્નિગ્રામમાં પંચેન્દ્રિય મહોલ્લાનાં કેટલાંક લોકોને સમ્યક્ત્વે વશીકૃત કર્યા અને દર્શનમોહના દેખતાં જ બોધરાજની આજ્ઞાથી તે વિવેકસેન દુર્ગમાં યતિપુરમાં લઈ જવાયા. તેમાંથી વઢી કેટલાંક મિથ્યાદર્શન અમાત્યની ચઢવણીથી પાછા ફર્યા. સમ્યક્દર્શનને વશવર્તી લોકો દેવગતિપુરીમાં ગયા અને અમાત્યની ફરી મનુષ્ય પુરમાં જઈને યતિપુરીમાં ગયા. ત્યાંથી સુબોધ નરપતિ અને ચારિત્રમોહ નરપતિની આજ્ઞાથી ભૃત્યપણું છોડીને શિવનગરીમાં ગયા. આમ તેઓએ વઢીને મોહરાજની સેનાને નિષ્ફળ બનાવી.

આ વાત જાણી દર્શનમોહે આયુ રાજા પાસે આની ફરિયાદ કરી તેમજ દેવગતિપુરીમાં લઈ જવાતા લોકોને રોકવા માટે વિનંતી કરી. આ સાંભળી આયુરાજાએ

नरकायुपाल वगेरेने बोलावी आज्ञा आपीके सम्यक्त्वना प्रवेशथी पोत पोताना नगरोनी रक्षा करो त्यारे नरकायुपाल आदि अे जणाव्युं के सम्यक् दर्शन अमा सेनाने तपथी बांधी नांखे छे.

आयुराजाअे प्रत्युत्तर आपतां कह्युं के हा आ बधी मने खबर छे. तो पण त नरकायुपाल, अशाता आदि महासुभटो साथे मळी नरकादि पृथ्वीमां जईने कोव लोभथी कोइकने भयथी अने कोईकने सन्मान आपी ते विपक्षीओपर विज जितिलो.

राजानो आदेश स्वीकारी सौ पोत पोतानी नगरीमां गया, अने असा नीचगोत्र अशुभ नाम प्रमुख सुभटोनी सहायथी रत्नप्रभा आदि नगरीमां त्यांना लोक आयु स्थितिनी मददथी नित्य हरवीने अत्यंत दुर्लभ्य हेडमां नांखवा लाग्यां.

अहीं सातेय नरकनी जघन्य अने उत्कृष्ट स्थितिनुं (१३८-१५९) तेम तेमां प्रवेश अने निर्गमन माटेनी प्रतोलीओनुं वर्णन छे. आ ज रीते तिर्यच, तेम देवोनी जघन्य अने उत्कृष्ट स्थितिओनुं निरूपण करवामां आव्युं (१७५: २०३)

आमां मोहराजना सैन्यमां जे दुर्धर्ष सुभटो हतां सम्यक्दर्शन वगेरेअे ते लीलापूर्वक हरवीने सुबोध नरपतिना प्रदेशमां जईने चारित्रधर्मराजनी आज्ञा आराधना करीने लोकोने शिवनगरीमां लई जाय छे. शिवपुरीमां गयेला लोक मोहनराधिप के कर्मपरिणाम नराधिप प्रभावित करी शकतो नथी. तेमनां दुष्ट कर्मब रहेतां नथी के फरी संसार रहेतो नथी. शाश्वत अनंत सुखसागरमां तेमनी गति थाय

‘चंदप्पहचरियं’नी रूपककथा

अत्थि अ लोयब्भंतरभूयंमि इमंमि मज्झ-देसंमि ।
 सासय-सयल निवेसं नयरं भवचक्कवालं ति ॥१॥
 तत्थ य महापयावो नराहिवो वसइ कम्मपरिणामो ।
 परिपंथेइ य सयलं जयत्तयं सवसमुवणेउं ॥२॥
 तस्स उ अणाइभवसंतइ त्ति अभिहाण विस्सुया देवी ।
 नाणावरणाई उण अट्ट सुया तेसिं विक्खाया ॥३॥
 बीया अकामनिज्जर नामा उ महानिवस्स से देवी ।
 पिययमपसायठाणं चिदूठेइ अखंड-माहप्पा ॥४॥
 वियरइ य निवोणुदिणं अट्ट वि नियसुयाण सिक्खमिणं ।
 जह अंगरुहा तुब्भे सुसमत्था सव्वकज्जेसु ॥५॥
 एयं च मज्झ रज्जं अच्चंतमहल्लमिय सया तुब्भे ।
 तह कह वि पयट्टिज्जह जहा थिरीहोई आकालं ॥६॥
 एयस्स पुण थिरत्तं लोयथिरत्तेण हवइ ता लोगो ।
 निज्जंतो रज्जंतरमवियप्पं रक्खियव्वो त्ति ॥७॥
 तुम्हाण य सव्वेसिं मज्झे दलनायगो महामोहो ।
 हवउ जओ एसो च्चिय बलिओ सव्वेसिं मज्झंमि ॥८॥

हि-

एत्थंतरमि वेयणिय नामगोया भणंति नणु तुब्भे ।
 अणुयत्तह मोहं(मोहनि वं) अणुयत्तिस्सामो वयं आउं ॥९॥
 मोहेवगए वि जओ जीवो सो आउयंमि जीवन्ते ।
 खीणंमि तंमि पुण धुवमम्हे होमो निराहारा ॥१०॥
 ता भणइ कम्मपरिणामनरवई अहह जुत्तमुल्लवह ।
 किं पुण घरे विवायं दूरं दूरेण परिहरह ॥११॥
 नाणावरणाईणं तिण्ह पहू हवउ ता महामोहो ।
 वेयणिय-नामगोयाण सामिओ होउ पुण आऊ ॥१२॥

भवचक्रवालनयरस्सिमस्स सामी अहं पि ता चिट्ठं ।
 एय पुराणुगयं च्चिय-गिह पाडय-गामयाणेगो ॥१३॥
 नरयगइ प्पमुहाणं नयरीणं हवउ सामिओ आऊ ।
 वेयणिय-नामगोया य सहयरा होंतु एयस्स ॥१४॥
 एसोउ महामोहा नाणावरणाइ कुमरकयसेवो ।
 हवउ असंववहारप्पमुहेसु पुरेसु नरनाहो ॥१५॥
 किं पुण स-घर-विरोहो दूरंदूरेण परिहरेयव्वो ।
 कायव्वं सव्वेहिं वि सया वि साहेज्जमन्नोत्रं ॥१६॥
 एयंमि बहुमयंमि उ सव्वेसिं वि तेसिं निवइणो ठविओ ।
 जुवरायपए मोहो मंडलियत्ते पुणो आऊ ॥१७॥
 अणुसासिया य कमसो दुवे वि जह मोहराय ताव तए ।
 अस्संववहार-महापुरस्स चिंता विहेयव्वा ॥१८॥
 चोदसभूययग्गामाणेगिंदिय-पमुह-पाडयाणं च ।
 अन्नत्थ वि मह रज्जे चिंता सयला वि तुह चेव ॥१९॥
 तुमए वि पुत्त आउय नरयगइप्पमुहपुरविसेसेसु ।
 रयणप्पहाइयासु य तप्पडिबद्धासु नयरीसु ॥२०॥
 नारयतिरियनरामरलोयाण ठिई जहा सया होइ ।
 तह कायव्वं जम्हा तुह चेव पहुत्तणं तत्थ ॥२१॥
 अन्नोत्रं च दुवेहिं वि न चित्तभेओ कयावि कायव्वो ।
 इय सिक्खविउं निय-निय- ठाणे ते पेसिया तेण ॥२२॥
 परिवालेतिं य निय-निय-रज्जाइं गरुय-हरिसमावन्ना ।
 तत्थ य मोह-नरिदैस्स पिया सा भूढया नामा ॥२३॥
 तेसिं पुणो दोन्नि सुया दंसण-चारित्तमोह अभिहाणा ।
 पट्ठस्स पिययमा दिदिठमोहणी नाम विक्खाया ॥२४॥
 मि-उदंसण संमत्तमीस नामा य तिन्नि तेसिं सुया ।
 चारित्तमोह-दइया अविरइ नाम त्ति तेसिं तु ॥२५॥
 वसानर-सेलत्थंभ-सागरा चउमुहा सुया तिन्नि ।
 एका य कन्नया बहुलिय त्ति नामा चउव्वयणा ॥२६॥

अह मोहनराहिवई दंसणमोहं पडुच्च वज्जरइ ।
 जह वच्छ दिट्ठिमोहण सत्ती तुह चिट्ठए महई ॥२७॥
 ता अस्संववहार-प्पमुह-पुरे पिंडिओ मए लोगो ।
 इय दिट्ठिमोहणेणं मोहिय तह भे धरेयव्वो ॥२८॥
 अह अन्नत्थ न वच्चइ नायण्णइ इयर-वयणमवि कहवि ।
 इयर-मुहं अनियंतो चिट्ठइ य तुहेव वसवत्ती ॥२९॥
 वच्छ मए तुह अ च्चिय पहुत्तमेयं समप्पियमसेसं ।
 अपमायपरेणं सया वि भवियव्वमिह तुमए ॥३०॥
 अन्नं च तुज्झ जेठो चिट्ठइ जो मिच्छदंसणो पुत्तो ।
 संसय-विवज्जयाइ य उवायजणणंमि सो कुसलो ॥३१॥
 इय तुह रज्जे सच्चिवत्तणंमि संठाविओ मए एसो ।
 तुह कज्जे जयइ सयंपि सो विसेसेण भणिओ उ ॥३२॥
 जे वि पिउभाइणो तुह नाणावरणाइणो महासुहडा ।
 ते वि हु गरुय गरुए सामंतपए मए ठविया ॥३३॥
 एएसिमवि कुबोह - अबोहाइ भडा भमंति सव्वत्थ ।
 अखलियपसरा जे ते वि तुह करेहिंति साहज्जं ॥३४॥
 किं पुण तए वि मिच्छदंसणमापुच्छिऊण लोयाणं ।
 आएसो दायव्वो न उ कत्थ वि नियय-इच्छाए ॥३५॥
 सम्मदंसणनामो तुह पुत्तो उण न सुंदरो अम्ह ।
 जमहिलसइ उव्वासिउमम्ह पुराई असेसाई ॥३६॥
 निसुयं च मए नणु इह चिट्ठइ दुग्गे विवेय-गिरिसिहरे ।
 जइणपुरंमि नरिंदो सुबोहनःमो महाबाहू ॥३७॥
 सद्धिडो तस्स पिया तेहिं य सह संगओ सुओ तुज्झ ।
 इय एयंमि कुपुत्ते वीसासो भे न कायव्वो ॥३८॥
 एत्तो चेव पवेसो रक्खेयव्वो इमस्स जत्तेण ।
 निय- नयेरेसु असंववहारप्पमुहेसु तुमए त्ति ॥३९॥
 एगिदि-विगलपाडयमज्झं पविसेज्ज पुण जइ कहिं चि ।
 तह वि चिरावत्थाणं इमस्स तुमए न दायव्वं ॥४०॥

जो वि तुह मीसनामो तणूरुहो सो वि मिच्छसम्माण ।
 अणुयत्ति कुव्वंतो पडिहाइ न मज्झ सुद्धप्पा ॥४१॥
 मज्झत्थयाए जइ वि हु न दंसए एस किंचि वि वियारं ।
 तह वि निय-पक्ख-पुट्ठिं न कुणइ जो तंमि का आसा ॥४२॥
 किं पुण एसो उदयस्स थेवकालो त्ति तारिस्सं न भयं ।
 तह वि हु इमस्स तुमए स-पुर-पवेसो न दायव्वो ॥४३॥
 चारित्तमोहनामो सहोयरो जो उ वल्लहो तुज्झ ।
 का वत्तिज्जइ तस्स वि समत्थिमा पत्थुयत्थंमि ॥४४॥
 जं से अविस्इनामा पिया सुया तेसिं तिन्नि चउवयणा ।
 जलण-गिरिथंभ-सागर नामाणो बहुलिया धूया ॥४५॥
 एयाणि सहावेण वि अम्हं कुलवुड्ढिकारयाणि सया ।
 निय पिउणा तुमए वि हु पुरक्खडाइं विसेसेण ॥४६॥
 जं जलण-तविय-चित्तो न गणइ जणयं न मन्नए जणणि ।
 लंघइ सहोयरं गुरुयणं च अवगणइ निरवक्खो ॥४७॥
 विरमेइ न पावाओ धम्मंमि मणं मणं पि न करेइ ।
 अहव परायत्ताणं एत्तियमेत्तंमि किं चोज्जं ॥४८॥
 गुरुथंभेणं थड्ढीकओ अप्पाणमेव मन्नंतो ।
 तिणमिव गणेइ जयमवि कुणइ अवण्णं गुरूणं पि ॥४९॥
 भणइ य अहमेव गुरू भुवणस्स वि न उण मह गुरू को वि ।
 जाइकुलाईण वि गुण-रयणाण महं चिय निहाणं ॥५०॥
 अच्चंतायासकरं दुरंत दुग्गय-निवाय-संजणयं ।
 सागरओ सागरमिव दुप्पूरं जणइ जयआसं ॥५१॥
 एएसिं पुणो भइणी बहुतरं कूडकवडमाईणि ।
 सिक्खावेत्ती भुवणे गुरुत्तणं पयडइ जणस्स ॥५२॥
 इय तीए वसवत्ती जीवो अन्नं धरेसि हिययंमि ।
 भासइ पुण अन्नयरं अन्नतमं किंचि वि करेइ ॥५३॥
 ता जणणि-जणय-बंधव-सामिप्पमुहं पि सयलमवि लोगं ।
 निरवेक्खं वंचंतो कुगइ दुहाण वि न बीहे इ ॥५४॥

इय तुह अहिलसियत्थोवसाहगाई इमाई सयलाई ।
 मुणिऊणिमं सकज्जे तुमए वावारियव्वाई ॥५५॥
 किं च इमाणं नवहा हासाई सहयरा महासुहडा ।
 तिब्वासत्तियरे वि हु लोय-वसीयरण-सत्तिजुया ॥५६॥
 तिय इह मोह-वावरिएहि वावारिय च्विय ह्वंति ।
 इय सव्वे चिय एए गुरुसंमाणेण दट्ठव्वा ॥५७॥
 जो उ महामंडलिओ आउयराओ कओऽम्ह जणएण ।
 सो सच्चविउं असंववहारपुरे बहुजणं अम्ह ॥५८॥
 निय-पुर-नयणिच्छाए बहुयरमाउड्डिइं न वियरेइ ।
 अंतमुहुत्ताओ उण संहारं कुणइ पुणरुत्तं ॥५९॥
 जइ वि हु तह वि मए निय उदएणऽन्नत्थ निज्जमाणो सो ।
 तत्थ वि धरिज्जए पुण पुणरवि कारविय उप्पत्ति ॥६०॥
 न य एवं कीरंते मए समुव्वहंइ वइरभावं सो ।
 केवलमणंतलोयं इच्छइ काउं सनयरीसु ॥६१॥
 न य एत्तिएण अम्ह वि तस्सुवरि समत्थि कावि वइरमई ॥
 जम्हा तन्नयरीसु वि आणाकारी जणो अम्ह ॥६२॥

अन्नं च -

पावमइ महामाया मज्झिमगुण-जोग्गया सुहपवत्ती ।
 आउ-निवस्स पियाओ चउरो चत्तारि तासिं सुया ॥६३॥
 नरयाऊ तिरियाऊ मणुयाउ सुराउणो त्ति जहसंखं ।
 एए कया सपिउणो रायाणो नियय-नयरेनु ॥६४॥
 एएसु य नरयाऊ मिच्छादसंणअमच्छदसवत्ती ।
 कत्थ वि ढिइं न बंधइ तव्विरहे जमिह कइया वि ॥६५॥
 जे वि हु जलणाइ महासुहडा चारित्तमोह-अंगुहा ।
 तेहिं वि समं सिणेहो इमस्स इय भे सहाओ सो ॥६६॥
 जो उण तिरियाउ महानराहिवो सो वि इह सहावेण ।
 बहु मिच्छत्तणुजाई कया वि सासायणरुई वि ॥६७॥

मणुयाउ य देवाउ य रायाणो उण कया वि मिच्छस्स ।
 कइया वि हु सम्मस्सिय दुण्हं पि कुणंति अणुयत्तिं ॥६८॥
 जे वि हु आउनिवइणो नामाइ नराहिवा महासुहडा ।
 तेसु वि सम्महंसण कयाणुराया धुवं थोवा ॥६९॥
 बहुया उ मिच्छदंसण सचिवं चिय मंतिऊण अणवरयं ।
 कज्जेसु पयट्ठंति ते वि तुह चेव आयत्ता ॥७०॥
 ता कस्स वि आसंका न विहेयव्वा तए तणय अहवा ।
 सुसहायवीरियाणं निवईण भवे कुओ संका ॥७१॥
 एवं च सिक्खवेउं पिउणा सो जुवनिवत्तणे ठविउं ।
 पेसविओ य महाबलकलिओ सनिउत्तवावारे ॥७२॥
 अह अक्खलियप्पसरो सव्वत्थ वियंभिउं समाढतो ।
 तह कह वि जह न आणं लंघइ सो को वि हु कहिं वि ॥७३॥
 एवं च वियंभंतो तमसंववहारपुरजणमसेसं ।
 तह कह वि दिट्ठिमोहेण मोहिउं कुणइ जह सहसा ॥७४॥
 गयचेयणो व्व मुच्छागओ व्व अवहरियजीविओ व्व सया ।
 न मुणइ सुहं न दुक्खं न फंदए न वि य संचलइ ॥७५॥
 किं तु समजीयमरणो समेक्कदेहप्पवेस-निक्कासो ।
 समनीसासूसासो समसमयाहारनीहारो ॥७६॥
 चिट्ठइ सया वि अविहड-सिणेह-मविय-मइव्व अच्चंतं ।
 इयरेसिमवियरंतो नियजाईए पवेसं पि ॥७७॥
 तिरियगईनयरीए जइ वि पहू आउराइणा ठविउं ।
 तिरियाऊसामंता तप्पडिबद्धं च नयरमिणं ॥७८॥
 तह वि नियंतस्स वि से तिरियगईनयरिसंतिओ लोओ ।
 निज्जइ को वि कया वि हु कत्तो वि विवक्खिचरडेहिं ॥७९॥
 दंसणमोहेण असंववहारपुरमि पुण तहा विहियं ।
 जह न प्फुरइ कहंचि वि पडिवक्खिय नाममेत्तं पि ॥८०॥
 जे वि हु आउ-निवइणो नामाइ-निवाणमवि सुहविवागा ।
 सम्महंसणमणुयत्तंति इमेसिं वि तहिं न गमो (?) ॥८१॥

मिच्छत्त-वयण-विसए असुहविवागा वसंति जे सुहडा ।
 तेसिं पुणो सविसेस कओ पवेसो सनयरंमि ॥८२॥
 जे वि हु चोदहभूयग्गामे एगिंदिपाडया के वि ।
 पज्जत्तापज्जत्तग बायर-साहारण सरूवा ॥८३॥
 ते वि असंववहारय - नयरसरिच्छ कया परं तत्तो ।
 वच्चंति अन्नहिं पि हु अकाम-निज्जर-निओएण ॥८४॥
 जे उण पत्तेयतणू अप्पज्जत्तयगिहेसु वट्ठंति ।
 ते वि हु दंसणमोहेण अप्पाणो च्चिय वसे नीया ॥८५॥
 बेइंदिया य पाडयगया वि अपज्जत्तगिहगया जे उ ।
 ते वि हु जावज्जीवं वट्ठंति इमस्स आणाए ॥८६॥
 जे उण पज्जत्तग-गिह-निवासिणो तेसिं केसु वि कया वि ।
 सम्मत्तस्स वि होज्जा कित्तियमेत्तो वि हु पवेसो ॥८७॥
 किं पुण अचिरठिई सो जम्हा एगिंदि पाडगाईहिं ।
 निस्सारिज्जइ दसणमोहेण हठेण सहस त्ति ॥८८॥
 पज्जत्त सन्निगामे पंचिंदिय-पाडयंमि जे उ जणा ।
 तम्मज्झओ के वि हु सम्मत्तेणं वसीकाउं ॥८९॥
 पेक्खंतस्स वि दंसणमोहस्स विवेगसेनदुग्गंमि ।
 जइणपुरे निज्जंतेसु बोहरायस्स आणाए ॥९०॥
 तत्तो वि पुण वि केइ मिच्छदंसण-अमच्च-बुद्धीए ।
 वेलविया ठाणाइं पुव्विल्लाइं चिय उवेंती ॥९१॥
 अवरे उ सुबोह-महीवइणा तत्थेव थिरयरा विहिया ।
 धरिऊणं आणाए चरित्तधम्मस्स नरवइणो ॥९२॥
 के वि हु सम्मदंसण-अमच्च-वसवत्तिणो पुणो तत्तो ।
 देवगईए पुरीए वच्चंते किंचि वि पवित्ता ॥९३॥
 सम्मत्तमंति-बहुमय-ठिईए वसिऊण तत्थ चिरकालं ।
 माणुसपुरीए गंतुं वच्चंति पुणो वि जइणपुरे ॥९४॥
 तत्तो सुबोहनरवइ-आणाए चरित्तधम्म-नरवइणो ।
 भिच्चा निब्भिच्चोहविरूणं पार्वेति सिवनयरिं ॥९५॥

सो उण मिलियस्स वि मोहराय-सेन्नस्स धुवमिह अजोग्गा ।
 ता दंसणमोहो परिचिंतइ धिसि विसममावडियं ॥९६॥
 जं मह पुत्तेण इमे पक्खित्ता सिवपुरीए नेऊण ।
 न य तत्थम्ह पवेसो अवालगिज्जा तओ एए ॥९७॥
 इय आणितं असंववहारउ पुराउ पाणिणो इयरे ।
 सिवगय-जिय-ठाणाइं पिउणो आणाए पूरेमि ॥९८॥
 जेण न मह चुल्लपिया रूसइ इय चिंतितो य तह कुणइ ।
 मुणितं च वइयरमिमं आउयपालो वि चिंतेइ ॥९९॥
 मह भाउ-सुओ सोहणमणुद्वए जं इमाइं ठाणाइं ।
 न धरइ सुन्नाइं जणे खलेहिं अन्नत्थ नीएवि ॥१००॥
 एत्थतरंमि दंसणमोहो सिरिआउराय-पासंमि ।
 आगंतूणं सविणयमुल्लवइ कयंजली एवं ॥१०१॥
 सम्मत्तनामगो जो जाओ मह ताय-नंदणो एसो ।
 अच्चंतै षडिणीओ आणं पि न अम्ह मन्नेइ ॥१०२॥
 अवगणइ पियामहमवि जम्हा अम्हाण सयलठाणाणि ।
 उव्वासइ अणुकमसो मिलितं पिसुणाणिमो दुट्ठो ॥१०३॥
 तुम्हाण वि निरवेक्खो बलवंत-सुबोह-निवइ-आसत्तो ।
 तणलवमिव अवगच्छइ अम्हे सव्वे वि सपरियणो ॥१०४॥
 एवं च निययकुलधूमकेउणो पिसुण-संग-निहयस्स ।
 तस्स कुपुत्तस्स वयं किं करिमो इय निवेएह ॥१०५॥
 केवलमम्ह जणं सो हरितं जं जेण ठाणमिह सुन्नं ।
 तत्थ असंववहारपुराओ अन्नं निवेसेमो ॥१०६॥
 तंमि य जणो अणंतो वसइ जओ तेण थोव-जणगहणे ।
 सिरिमोहमहीवइणो न किंचि वि अवरज्झिमो अम्हे ॥१०७॥
 हरियं पि जं तरेमो तमवस्सं वालिऊण रक्खेमो ।
 अन्नं पि किं पि सीसइ पत्थाव-समागयं तुम्ह ॥१०८॥
 नरयगइप्पमुहासु य पुरीसु जे निवइणो तए ठविया ।
 नरयाउपाल-पमुहा पयंड-दंडा महासुहडा ॥१०९॥

ते वि न नियनयरीसुं पविसंतं तं तरंति वारेउँ ।
 पेच्छंताण वि तेसिं तव्वासिजणं जणो कंचि ॥११०॥
 करेइ सो नियआणं मणुगइ-नयरीए आणिउं कमसो ।
 जइणपुरे पविसेउं सुबोहरन्नो वसीकुणइ ॥१११॥
 सो वि समप्पिय चारित्तधम्मरायस्स सिवपुरिं नेइ ।
 अह सो अवालगिज्जो हवइ जणो अम्ह सव्वेसिं ॥११२॥
 इय तेसिं तहा सिक्खा दायव्वा सहयरा वि ते के वि ।
 जह निय-विसयंमि वि सेवया-समत्तं पि हु न देंति ॥११३॥
 तह जे तुम्हं कडए सुहडा साओदयाइणो के वि ।
 संति सुहपयडिरूवा ते वि न वसवत्तिणो तुम्ह ॥११४॥
 जं सम्पत्तस्सेवय ते वि पयट्ठेति गाढमणुयत्तिं ।
 इय केरिसी जयासा विइन्नभेयंमि भे कडए ॥११५॥
 नाणावरणाईण उ निवईण न नून अत्थि वभिचारो ।
 जं मिच्छत्तवसगया सव्वे ते सच्चविज्जंति ॥११६॥

तहाहि -

नाणंतरायदसगंय पदंसणवंग च मोहछव्वीसा ।
 नामस्स चउत्तीसा नरयाउ असायनीया य ॥११७॥
 एए बायासीय वि मिच्छत्तामच्चवसगया पायं ।
 तुम्हम्ह पक्खमेव य पोसिंति सया वि एकमणा ॥११८॥
 अहवा किं बहुएणं विवक्खिचरडेहिं नियजणमसेसं ।
 निज्जंतं रक्खवह मह पयत्तेण पहु तुब्भे ॥११९॥
 इय भाउ-तणय-वयणं अह निउणं निसुणिऊण सो निवई ।
 नरयाउपालगाई सव्वे सद्दविउं भणइ ॥१२०॥
 जह नियनियनयरेसुं संमत्तपवेसरक्खणं कुणह ।
 जं संमत्तपवेसे अम्ह जणो फिट्ठिहइ सयलो ॥१२१॥
 तयणु नणु देव अम्हे किं करिमो तेण अम्ह कडयाईं ।
 विद्धाईं सयलाणि वि तवेणं बलोहभडाईं ॥१२२॥

इय जंपिरेसु तेसुं पर्यंपए आउपाल नरनाहो ।
 जह दंसणमोहेण वि सयलमिणं साहियमहेसि ॥१२३॥
 इय जारिसया वाया दिज्जंते ओलया वि तारिसया ।
 इय सयललोय-पयडं वयणं धरिऊ ण हियएसु ॥१२४॥
 नरयाउपालय-प्पमुहाणमसायाइणो महासुहडा ।
 जिणह विवक्खं मिलितं गंतुं नरयाइ-पुहईसु ॥१२५॥
 लोहेण केइ केइ वि भएण संमाणितं पुणो के वि ।
 तह कुणह जह न तुब्भे कुटुंबिणोऽन्नत्थ वच्चंति ॥१२६॥
 अह तस्स निवइणो इममाएसं घेतु उत्तिमंगेण ।
 मिलितं सव्वे वि हु ते निय-निय-नयरीसु वच्चंति ॥१२७॥
 ते वि हु असायप्पमुहा सुहडा किल आउनिवइ-भाउसुया ।
 वेयणियाइ-निवाणं जेण इमे होंति अंगरुहा ॥१२८॥

तहाहि -

वेयणिय-निवस्स पिया अणुभूई तीए दोन्नि अंगरुहा ।
 साय-असायऽभिहाणा परिणइ नामा उ नामपिया ॥१२९॥
 तेसिं उ सुभासुभ सद्-रूव-रस-गंध-फासया तणया ।
 गोय-पियाए उप्पत्तीए दो उच्चनीयसुया ॥१३०॥
 वेयणियाईहिं य ते समप्पिया आउपाल-नरवइणो ।
 तेण वि निय-पुत्ताणं कया सहाया इमे सव्वे ॥१३१॥
 अस्साय-नीय-गोयासुहनाम-प्पमुह-सुहड-परियरिओ ।
 नरयाउपाल-निवई रयणाइसु नियय-नयरीसु ॥१३२॥
 आउट्टिईए चित्तं निच्चं पि करेइ तस्स लोगस्स ।
 हडिपक्खेव सरिच्छा जमिमा अच्चंत दुल्लंघा ॥१३३॥

किंच -

रयणाए जहन्नेण वि वाससहस्साइं दस ठिई विहिया ।
 उक्कोसओ उ सागरमेगं तव्वासिलोगस्स ॥१३४॥
 तिन्नेव सागराइं उक्कोसेणं जहन्नओ एणं ।
 विहिया ठिई निवइणा तेणं सक्करपहपुरीए ॥१३५॥

वालुयपह-नयरीए जहन्नओ तिन्नि सायराइं ठिई ।
 सत्तेव य अयराइं उक्कोसेणं पुणो तत्थ ॥१३६॥
 पंकप्पहापुरीए जहन्नओ सत्तसागराइं ठिई ।
 उक्कोसेण पुणो दस तम्मज्जे मज्झिमा नेया ॥१३७॥
 धूमप्पहनामाए पंचमनयरीए दस जहन्नेण ।
 उक्कोसेण उ सतरस अयराइं जाण ठिई विहिया ॥१३८॥
 छट्ठीए पुण तमप्पहपुरीए अयराइं सतरस जहन्ना ।
 बावीस सागराणि उ उक्कोसेणं ठिई विहिया ॥१३९॥
 बावीस जहन्नेण उ सत्तमतमतमपुरीए अयराइं ।
 तेत्तीस पुणो उक्कोसिया ठिई तेण तत्थ कया ॥१४०॥
 उवरिं तु तओ न तरइ समयं पि विहेउ समहियं तत्थ ।
 इय एत्तियमेत्तं चिय काउं आउं विओए सो ॥१४१॥
 तत्थ य सत्तमियाए तमतमनामाए नरयनयरीए ।
 दो चेव पओलीओ कयाओ निग्गम-पवेस, कए ॥१४२॥
 नरयतिरियाणुपुव्वी नामाओ सुयहराण पयडाओ ।
 एगाए पवेसो चेव निग्गमो चेव बीयाए ॥१४३॥
 एआए पओलीए दुगं पि पुण नेवलब्भए काउं ।
 सिरिनामराय वसुहाहिवस्स निदुरभडेहिंतो ॥१४४॥
 जम्हा आयट्टेउं तिरिमणुयगईमहापुरीहिंतो ।
 लोया खिप्पंति पओलीए नरयाणुपुव्वीए ॥१४५॥
 तिरियाणुपुव्विनामयबीयपओलीए जे उ एएहिं ।
 निक्कालिज्जंति इओ ते तिरियगईए खिप्पंति ॥१४६॥
 रयणप्पहाइयाओ छन्नयरीओ उ जाओ तासिं तु ।
 नरयतिरिमणुय-अणुपुव्वि नामियाओ पओलीओ ॥१४७॥
 पत्तेयं तिन्नि च्विय तासु वि नरयाणुपुव्वि नामाए ।
 पुव्विं व पवेसो चिय दोहिं य इयरीहिं नीकासो ॥१४८॥
 तत्थ वि जो जन्नयरीए निज्जिही तस्स तयणुपुव्वीए ।
 निक्कासो न पराए कीरइ नामस्स सुहडेहिं ॥१४९॥

रयणप्पहनयरीए अन्नाइं वि सैंति अंतरपुराई ।
 देवगइअणुगयाइं भवणाहिववणयरणैं ति ॥१५०॥
 तीए जओ बाहल्लं जोयणलक्खं असीइसहसजुयं ।
 हेट्ठोवरिमसहस्सं एक्केकं पुण तहिं मोत्तुं ॥१५१॥
 भवणाहिवइसुराणं अणेगभेयाइं संति भवणाइं ।
 पढमसहस्से हेट्ठिम-उवरिमगसयाइं दो मुत्तुं ॥१५२॥
 मज्झिमगेसु य अट्ठसु सएसु वणयरसुराण रम्माइं ।
 तो साइं नयराइं चिट्ठंति अणेगरूवाइं ॥१५३॥
 एसु य सव्वेसु वि होंति पओलिउ तिन्नि तिन्नेव ।
 नवरं तइया देवाणुपुव्विनाम ति नायव्वा ॥१५४॥
 तीए य पवेसो च्चिय मणुस्स-तिरियाणुपुव्विव्याहिं पुणो ।
 निय-निय-गईसु वच्चंतयाण निक्कासणं चेव ॥१५५॥
 भवणवइ-वणयरणैं आउयचिंता सुराउपालेण ।
 दोणह वि जहन्नओ दसवाससहस्साइं विहियाइं ॥१५६॥
 उक्कोसेण उ भवणाहिवाण उत्तरदिसाए मेरुस्स ।
 बलि नाम सुरिंदो जो सागरमहियं ठिई तस्स ॥१५७॥
 दाहिणदिसाए चमरो जो तस्स उ सागरोवमं एक्कं ।
 इयरेसिं पुण दाहिणदिसाए पलिओवमं सट्ठं ॥१५८॥
 उत्तरदिसिद्धियाण उ दो देसूणाइं हुंति पलियाइं ।
 भवणवईणं एवं वंतरदेवाण पुण पलियं ॥१५९॥
 जेवि असायप्पमुहा सुहडा निय-निय-पिऊण वयणेण ।
 पत्ता साहज्जकए नरयाउयपालदेवस्स ॥१६०॥
 तेवि नियसत्तिसरिसं नारयगइ-लोय-भेसणट्ठाए ।
 पवियंभिउमाढत्ता निक्करुणं जह तहा सुणह ॥१६१॥
 रयणप्पहा-पुरीए मज्झे भवणवइ नाम पयडेसु ।
 देवगइ-वरपुरी-पडिबद्धेसु पुरेसु केसुं पि ॥१६२॥
 चारित्तमोह-नंदण कसाय-सुहडेहिं विहियपयसेवा ।
 बहुमय मिच्छइंसण-सचिवा परमाहमिय-तियसा ॥१६३॥

ते वावारेऊणं असाय-उदओ महाभडो बहुसो ।
 रयणप्पमुहपुरीसु तिसु आइल्लासु लोगस्स ॥१६४॥
 छेयण-भेयण-वेयरणितरण-करवत्तफालणाईणि ।
 तह तह करावए जह सुहलवमवि लहइ न जणो सो ॥१६५॥
 अन्नोन्नद्धीरियमवि खेतसहावुब्भवं च दुहमसहं ।
 पयडइ तहा जहा सो क्खणमवि न जणो सुही हवइ ॥१६६॥
 अग्गिमगासु पुणो तिसु दुसहाइं दुहाइं होंति दो चेव ।
 जम्हा परमाहम्मिय तियसाण न अत्थि तत्थ गई ॥१६७॥
 सत्तमपुरीए पुण जं तट्ठाणकयं पि असुहमइघोरं ।
 जं विसम-वज्ज-कंटय-मज्झे चिय तत्थ उप्पत्ती ॥१६८॥
 एवं च तस्स तारिस असाय परिपीडियस्स लोगस्स ।
 सुहवत्ता वि न वट्टइ का पुण अन्नत्थ गमणकए ॥१६९॥
 नरयाउवाल-विरइय आउखए होज्ज अन्नहिँगमणं ।
 लोगस्स तस्स किं पुण असाय-सुहडा तमणुजंति ॥१७०॥
 नरतिरिगइ-नयरीसुं दोसुं चिय निज्जइ इमो जम्हा ।
 सिरिनामराय-सुहडेहिं तेण तत्थ वि असायाई ॥१७१॥
 तिरियाउपालनिवई तत्तो तिरियगइ नियय-नयरीए ।
 पडिबद्धेउं चोदससु भूय-गामेसु गंतूण ॥१७२॥
 समगं असायनीयागोयासुहनामपमुह-सुहडेहिं ।
 एगिंदियाइपाडयपुढवीकायाइगेहेसु ॥१७३॥
 जे केइ संति लोया तेसिं चिंतइ भवट्ठिईकालं ।
 कायट्ठिईकालं पि हु तट्ठाणं सुन्नकरणत्थं ॥१७४॥
 पुढवीकाय-पुरट्ठिय-जणस्स बावीसइं सहस्साइं ।
 वासाण भवट्ठिईए कालो उक्कोसओ होइ ॥१७५॥
 आउक्काए सत्त उ तिन्नि सहस्साउ वाउकायंमि ।
 दस वाससहस्सा उण पत्तेयतरूण उक्कोसो ॥१७६॥
 तेओक्काए राइंदियाणि तिन्नेव एवमेसा उ ।
 एगिंदि भवट्ठिई बारसवरिसाणि उ बिइंदीण ॥१७७॥

एगुणवन्नदिणाई भवट्टिई उण तिईदिय जियाण ।
 मासा छ च्चिय चउरिंदियाण पंचिंदियाण पुणो ॥१७८॥
 संमुच्छिमाणं पुव्वकोडी इयराण तिन्नि पलियाई ।
 उक्कोसओ जहन्नं दोसु वि अंतोमुहुत्तं तु ॥१७९॥
 जओ अणंत-वणप्फइ-काए तेसिं जहन्नमुक्कोसं ।
 अंतोमुहुत्तमेव य एवं एसा भवट्टिइति ॥१८०॥
 कायट्टिईए कालो पुण मोहमहानिवेण कारविओ ।
 तेसिं जहा जहा भे निसुणह अवहिय-मणा होउं ॥१८१॥
 अस्संखोसप्पिणि-सप्पिणीओ काएसु चउसु वि कमेण ।
 ताओ चेय वणस्सइकाएणं ताउं नियाओ ॥१८२॥
 वाससहस्सा संखेज्जया उ बेईदियाइसु हवन्ति ।
 अट्ठेव भवगहणाई होति पंचिंदिएसु पुणो ॥१८३॥
 एवं भवट्टिईए कायट्टिईए य ते निरुंभेउं ।
 असुहहुयस्सरुवे कारवइ असाय-सुहडेहिं ॥१८४॥
 एवं असुहावन्नाइणो वि पाएण बायरे काए ।
 जम्हा कप्पूरागुरु-पमुहे कथ वि सुहावि हु ते ॥१८५॥
 नीयागोयस्सुदओ पुण सव्वाए वि तिरियजाईए ।
 नीयागोयवसेणं अप्पबहुत्तेण उ विसेसो ॥१८६॥
 मणुयगई-नयरीए वि निवई मणुयाउपालअभिहाणो ।
 सायासायाइपभूय-सुहड-परिविहिय-साहज्जे ॥१८७॥
 पलियाई तिन्नि उक्कोसेणं गब्भोवन्न-मणुयाण ।
 आउट्टिई जहन्नेणं पुण अंतोमुहुत्तं ति ॥१८८॥
 कायट्टिई पुणो भवगहणाई अट्ठ हवइ अणवरयं ।
 तयणंतरं च मणुयाउपाल-निवई मणूसाण ॥१८९॥
 इट्ठ-विओगा पिय-संपओगपमुहाई कुणइ असुहाई ।
 सारीरमाणुसाई असायसुहडं निजुंजेउं ॥१९०॥
 साओदयाइहिंतो के वि सुहाई पि अणुहवावेइ ।
 नीयागोयाईहिं उ नीयागोयत्तणदुहाई ॥१९१॥

जे उण संमुच्छिमया मणुया तेसिं सयावि असुहुदया ।
 अंतोमुहुत्तमाउं जहन्नमुक्कोसयं पि धुवं ॥१९२॥
 एएसिं उभएसिं वि पुरे पओलीउ पंच चिट्ठंति ।
 नरयाणुपुव्विपमुहा जा पंचमिया सिवपओली ॥१९३॥
 तत्थ य पवेसनिग्गमविही पओलीसु चउसु जायंति ।
 बहुसो पहियं चिय सिवपओलिदारं तु चिट्ठेइ ॥१९४॥
 जो पावियमाणुसगइनयरी पज्जत्त-भाव-गिहवासो ।
 अभिमय-सुबोह-नरवइ-आणो संमत्तमंतिजुओ ॥१९५॥
 वसिरुणं जइणपुरे सुइरं पसरंत अनणु जियविरिओ ।
 चारित्त-धम्म-सामंत-दिन्न-असमाण-साहज्जो ॥१९६॥
 सिवनयरिं गंतु-मणो निद्धाडिय-सयल-मोहराय-बलो ।
 केवललच्छीए गिहं होऊणं जणिय-जय-चोज्जो ॥१९७॥
 हणिरुणं आउमहानिवं पि नामाइ-सुहडमहियं सो
 वच्चइ सिवनयरीए उग्घाडिय-सिव-पओलीओ ॥१९८॥
 एत्तो चिय एसा संतिया विनेया असंतिया सरिसा ।
 जं न लहइ मग्गं पि हु इमीए लोगो अणेरिसओ ॥१९९॥
 रयणप्पहाए उवरिल्ल-पयरभूमीए रज्जुमाणाए ।
 मज्झपएस-निविट्ठा चिट्ठइ मणुयगइ नाम पुरी ॥२००॥
 पणयालीसइ जोयण लक्खा आयाम-वित्थरेहिं पुणो ।
 नायव्वो एईए पायारो माणुसनगो ति ॥२०१॥
 देवगई - नयरीए राया देवाउपाल नामाओ ।
 देवाणमसेसाण वि आउट्ठिइए कुणइ चित्तं ॥२०२॥
 तत्थ य संति निकाया चउरो पाएण असमसुहकलिया ।
 भवणाहिव-वणयर-जोइसाण वेमाणियाणं च ॥२०३॥
 असुरा नागा विज्जा सुवन्न अग्गी य वाउ थणिया य ।
 उदही दीव दिसा वित्तिआ इमा तत्थ दस भेया ॥२०४॥
 भूय पिसाया जक्खा य रक्खसा किंनरा य किंपुरिसा ।
 महोरगा य गंधव्वा अट्ठविहा वाणमंतरया ॥२०५॥

रयणपहन्नयरीए वि विसए उक्कोसयं जहन्नं च ।
 एएसि दुवेण्हं पि हु चिंता आउट्ठिईए कया ॥२०६॥
 चंदाइच्चा गह रिक्ख तारया जोइसाउ पंचविहा ।
 तत्थ य ससीण पलियं अब्भहियं वास लक्खेण ॥२०७॥
 आइच्चाण उ तं चिय वाससहस्साहियं गहाणं तु ।
 संपुत्रमेव पलियं नक्खत्ताणं तु तस्सद्धं ॥२०८॥
 ताराण चउब्भागो पलियस्सुक्कोसओ जहन्नाओ ।
 तस्सेव अट्ठभागो पुव्वचउण्हं तु चउभागो ॥२०९॥
 तेसि पुरा वासाणं हेट्ठिल्लतलो नहंमि रयणाए ।
 समभागाओ सत्तहिं नउइहिं जोयणसएहिं ॥२१०॥
 अट्ठहि सएहि सूरु चंदो असिएहिं अट्ठहिं सएहिं ।
 उवरिमतलं तु तेसि नवहिं सएहिं मुणेयव्वं ॥२११॥
 सङ्गाए रज्जूए उवरिं विमाणिया सुरा होंति ।
 सोहम्माइ दुवालस-कप्पेसुं कप्पसंपन्ना ॥२१२॥
 कप्पाइयासु नवसु य गेवेज्जेसुं अणुत्तरेसुं च ।
 पंचसु महाविमाणेसु होंति असरिससुहाण निही ॥२१३॥
 तेसु य जहन्नमाउं सोहम्मे पलियमेक्कमुवरइयं ।
 दो सागरोवमाइं उक्कोसेणं तु तत्थ ठिई ॥२१४॥
 ईसाणे वि हु एवं दोसु वि ठाणेसु नवरमहियत्तं ।
 कप्पे सणकुमारे जहन्नओ दोन्नि अयराइं ॥२१५॥
 उक्कोसेणं सत्त उ माहिंदे ताइं दोन्नि अहियाइं ।
 सत्तेव बंभलोए जहन्नमियरं तु दस ताइं ॥२१६॥
 दस चेव जहन्नेणं लंतयकप्पंमि चउदसुक्कोसा ।
 सुक्कंमि जहन्नेण चोदस सत्तरस उक्कोसा ॥२१७॥
 सत्तरस सहस्सारे जहन्नेओ अट्ठदस उ उक्कोसा ।
 अउदस जहन्न उक्कोसेगुणवीसाणए कप्पे ॥२१८॥
 पाणयकप्पे स चिय जहन्नओ वीसई पुणो इयर ।
 वीस जहन्ना आरणकप्पे इगवीसमियराओ ॥२१९॥

स च्विय जहन्नमच्चुयकप्पे उक्कोसओ उ बावीसं ।
 इय हेट्टिल्लुक्कोसा उवरुवरि ठिई पुण जहन्ना ॥२२०॥
 ता जाव नवमगेवेज्जगंमि इगतीस अयर उक्कोसा ।
 विजयाइसु वि जहन्नो इगतीसियराउ तेत्तीसं ॥२२१॥
 सव्वट्टविमाणे उण अजहन्नुक्कोसओ वि तेत्तीसं ।
 एत्तो उण अहिययरं सक्कइ सक्को वि न विहेउं ॥२२२॥
 देवाउपाल वसुहाहिवेण एसा ठिई कया ताव ।
 पयडेंति नियय-सत्तिं तत्थ असायाइणो वि भडा ॥२२३॥
 देवनिकाएसु जओ चउसु बिइंदाइणो सुरे दसहा ।
 जे के वि संति सुरभव संभवि असमाण-सुहनिहिणो ॥२२४॥
 तेसिं वि असायसुहडो दुहमसहं देइ जावजीवं पि ।
 ईसाविसायपमुहेण मोहकडगेण जगडंतो ॥२२५॥

अविय -

परआणा-करणेणं कस्स वि कस्स वि य परिहवभरेण ।
 कुपरियणेणं कस्स वि कस्स वि पररिद्धि-दंसणओ ॥२२६॥
 कस्स वि च उणं दट्टुण अत्थणो गब्भवासपडणं च ।
 उप्पायइ दुहमसहं लद्धवयासो असाय-भडो ॥२२७॥
 नवसु वि गेवेज्जेसुं तियसा जे संति तेसिं पाएण ।
 अहमिंदत्तेणं सुहमेवयस्स उदओ जणइ ॥२२८॥
 जत्थ पवेसो लब्भइ आणाए चारित्तधम्मरायस्स ।
 देवाणुपुव्वि अभिहाणाए नवरं पओलीए ॥२२९॥
 मणुयाणुपुव्वि नामा बीय पओली वि एत्थ अत्थि परं ।
 तीए वि णिग्गमो च्विय न पवेसो हवइ कस्सा वि ॥२३०॥
 तह जइ वि के वि मिच्छत्तमंतिवसवत्तिणो वि इह संति ।
 तह वि न तेसि पवेसो जइणपुरावास-विरहेण ॥२३१॥
 चारित्तधम्म-नरवइ-आणं उवधेत्तु भावविरहे ।
 वसिऊणं जइणपुरे पविसंति तहिं ईहरहा नो ॥२३२॥

जे पुण सुबोहरायस्स चेव वसवत्तिणो कथा पुब्बिं ।
 सम्मत्त-अमच्चेणं ते जइणपुरे चिरं ठविउं ॥२३३॥
 चारित्तधम्मराएण संगया सम्मभावियप्पाणो ।
 साओदयसुहडेणं सुहिणो कीरंति अणवरयं ॥२३४॥
 किं पुण ठिइक्खएणं तत्तो निव्वासिरुण अणुकमसो ।
 मणुयाउपालरत्ता ते नरनयरीए खिप्पंति ॥२३५॥
 जे उण पंचोत्तरवरविमाणविणिवासिणोहमिंदसुरा ।
 मिच्छत्तमंतिणा सह संगो वि न तेसि कइया वि ॥२३६॥
 एत्तो चिय ते संमत्तमंतिसंजोइएहिं भावेहि ।
 एगंतेण सुहोदयरूवेहिं तहिं सया सुहिणो ॥२३७॥
 किं पुण एएसिं पि हु चिरकालाओ वि ठिइक्खओ होइ ।
 तत्तो खिप्पंति इमे वि माणुसीगब्भवासंमि ॥२३८॥
 तयणु सुइरं अपाविय-अवयासो इय असाय नाम भडो ।
 लद्धंतरो वियंमभिउमारंभइ किं चि अव्वत्तं ॥२३९॥
 किं पुण तक्कालपरिप्फुरंत संमत्तभावसुहडेहिं ।
 पायं पसरंतो पडिहम्मइ तेसिं असायभडो ॥२४०॥
 जं विजयाईहिंतो चुया सुरा के वि होंति तित्थयरा ।
 केंवि पुण चक्कवट्टी अच्चंतसुइन्नपुत्रभरा ॥२४१॥
 के वि हु तत्तो वि चुया जइ वि हु पुरिसा हवंति सामन्ना ।
 तह वि हु बहुसुहनिहिणो हवंति एक्कावयाराई ॥२४२॥
 जे उण उवेंति इहइं सव्वट्ठाओ विमाणरयणाओ ।
 ते सव्वे वि मणूसा नूणं एगावयारत्ति ॥२४३॥
 तेसिं सुहमणवरयं पसरइ जो उण हवेइ दुहलेसो ।
 सो दुद्धसक्करसथाले निवरसतुल्लो ॥२४४॥
 तह मोहराय कडगे सुहडा जे के वि संति दुद्धरिसा ।
 तेसि वि लीलाए चिय भंजिय माहप्पमवियप्पं ॥२४५॥
 गंतु सुबोहनरवइविसए चारित्तधम्मरायस्स ।
 आणं आगहेउं सुइरं वच्चंति सिवनयरिं ॥२४६॥

अह तेसि सिवपुरीए गयाण सयलो वि मोहनरनाहो ।
 कम्मपरिणाम - वसुहाहिवो न प्पहवए किं पि ॥२४७॥
 न य दुट्ठकम्मबीया इय ते पुणरवि उव्वेति संसारो ।
 चिद्धंति पुणो सासयअणंतसुहसायराय त्ति ॥२४८॥
 चउसु वि गइनयरीसुं इय न सुहं अत्थि किं पि संसारो ।
 कहियमिणं लेसेण अंतरबहिरंगवयणेहिं ॥२४९॥
 वित्थरओ पुण नियमइ विसेसओ बुहयणेण नेयं ति ।
 इय जइ तुमे वि इच्छह भो भविया सासयं सोक्खं ॥२५०॥
 ता मोहरयचक्कं अवियक्कं सयलमवि दलेऊण ।
 आराहिउं चारित्तधम्मरायस्स बलमखिलं ॥२५१॥
 गंतूण सिवपुरीए अणुभुंजह सुहसयाइं अणवरयं ।
 इच्चाइ बहुवियप्पं जिणवर-वयणं सुणेऊण ॥२५२॥
 संजायभवविराओ विहेउ सुत्थं नियस्स रज्जस्स ।
 गेण्हइ पयावसूरोऽवणिप्पहू चरणमणवज्जं ॥२५३॥

